

武林掌故叢編

武林掌故叢編（凡二百四十冊）

清·丁
申丙同輯

江蘇廣陵古籍刻印社出版印刷
杭州古舊書店發行
定價玉扣紙本一千七百四十八元
一九八五年六月出版
統一書號：一七一〇〇（古）〇一九

北郭詩帳卷下

錢塘丁丙

出城小市號湖州宋刻臨安志久收湖墅果然詳爾
雅倪翁何必改湖州

陸游劍南詩稿送客至湖州市詩偶駕雞棲送客
行迢迢十里出關城誰知小市蕭條處賸有豐年
笑語聲聊借野風吹醉頰更憑陂水濯塵纓故廬
想見春回近鄰曲家家已徧耕 咸淳臨安志湖

州市去錢塘縣五里 乾隆杭州志湖州市按倪
璠神州古史攷作湖州墅云昔此地三面皆湖西

南則金牛湖東北則臨平湖詔息湖西北至餘杭
有上下二湖爾雅水中可居曰洲墅者田廬村圃
之名如古稱別墅也今杭多循述其說攷宋史元
史紀巴延進軍地及臨安志劍南集夢梁錄郭氏
客杭日記俱作湖州市汪元量感宋事作湖州歌
九十八首亦以此爲題至洲墅之稱概不見於明
以前之記錄倪氏說未可信也

弔橋坦坦尸城邊野草生濠滯不宜多謝松毛蓋茶
屋行人試啜白沙泉

康熙錢塘志嘉靖三十五年武林錢塘二門外各

浚濠甃閘上構弔橋環城皆深池是年四月霖雨
湖水泛溢錢塘門北城衝圯三十餘丈乃塞濠并
毀橋閘後有勢家築塹植荷以爲利者三十六年
今聶心湯悉剗毀之 湖墅舊聞北關越城有茶
肆榜題白沙泉外蓋松棚綠陰甚敞中設泥鑪瓦
缶然松蘿子雖茗材不甚細而泉味實甘據主人
云每日俱人飲夏則百擔冬亦半之按楊蟠詩云
不見泉來穴沙平落細聲夜高寒月漾銀漢太分
明泉在石箱峰下巖石居東其泉出自沙中余每
進城必啜之

祠山生日近花朝雨雨風風怕寂寥廣德米商團社
約更增行殿辦香燒

梓里叢談廣德州米商至杭率就湖墅越城米行
出售因立廣建會館於武林門外大街以敦鄉誼
中祀祠山張王爲行殿奉香火焉劫後越城市散
祠亦荒廢

青松陰裏護紅牆社稷神壇歲奉香祈報詩留阮文
達自慚無德感句芒

康熙錢塘志社稷壇在錢塘門外明洪武六年建
歲以春秋仲月上戊日致祭 阮元學經室詩錄

曉至西溪祭社稷壇路轉西湖山松陰散曉涼五
更山雨歇八月稻花香流水開天影積雲壓電光
儘多祈報意無德感句芒

餘杭門外驛亭孤署改吳山洪武初分轄仁錢急遞
鋪壞槽疲馬齧殘芻

咸淳臨安志北郭驛亭舊在餘杭門外北郭稅務
側淳祐六年趙安撫與憲重建 西湖游覽志吳

山驛在武林門外其西有駐節廳江漲稅課司在
霍山坊原在北關駐節基洪武二十五年移建於
此 乾隆杭州志錢塘縣急遞鋪武林門外爲鋪

者六西爲鋪者三南爲鋪者六仁和縣急遞鋪武
林門外八慶春門外五

官牙貿易孔公銓相忽遭災客淚漣貨旣券成原納
值生兒應客祝蒼天

萬厯杭州志吳定遠錢塘人嘗於湖州墅孔公銓
家買客柏油五十擔計直當百金立券三日發油
半月歸直券成次日客寓火吳率人往救之至則
油室已在燄矣客哭曰油故假於人今何以償之
有死耳踴躍欲赴火吳急抱止之曰油旣有成券
卽我貨矣半月後來取直耳客猶未信吳因與俱

歸數日卽措銀如券歸之客拜祝曰願公生貴子
以報德泣謝而去吳後生子瓚登宏治庚戌進士
官至通州守

沈甸華嘗居北墅生平孝弟課雛男師劉友應敦儒
行絕粒階前摘馬藍

杭郡詩輯沈昀字朗思初名蘭先字甸華仁和人
有粵遊草年十六入郡庠甲申年二十七棄舉業
攻詩古文與弟蘭成自相師友以考究性命爲務
嘗執經於劉念臺先生之門事父博山與母秦氏
至孝以束脯爲養誨子毅中純中弗令干祿室無

容榻朽無懸衣披帙覽書凝坐終日嘗絕粒采階
前馬藍食之或餽米數斗不受其人固請則固辭
方宛轉避謝閒遂餓仆於地其人惶駭而去良久
始蘇笑曰其意可感然適以困老子耳康熙丁巳
年六十三卒無以爲歛應潛齋經紀其喪曰吾不
敢輕受賻襚以玷先生應門人姚宏任趨前曰如
宏任可以歛先生乎潛齋曰子篤行可也

至元元禩館承恩至正紅巾燬不存爲重皇華重建
立場維禎記筆尤尊

楊維禎鐵崖文集迎恩館記杭爲宋行在所宋旣

內附以其地置行中書省行宣政院財賦都府肅
政府輶連儒學醫金帛雜造諸司鱗比棋布歲時
朝廷遣使者頒詔旨宣賜命金幣斧鉞裘貂上尊
與夫名山大川古宮刹祠廟御香寶器不絕於道
使至之日省憲而下百司庶府之官無不奔走戒
金革儀仗聲伎部曲導前擁後以爲郊迎之禮蓋
偪以迎官寺則失諸慢曠以迎上舍一驛之外則
過於勞故酌其地於郊關之外以爲迎送之次此
北門之館所由立也館創於至元元年承恩之額
書於右丞圖魯公至正十二年秋七月紅巾寇杭

毀館寇退越三月而監郡觀閭氏倡捐己俸命仁
和縣屬吏首起其廢爲屋凡若干楹堂室廳軒洎
垣墉門著更衣之亭治飴之廚凡坐臥飲食器用
之什無不完整且更書其額爲迎恩尊皇華之出
也興工於是年十一月某日告成公遣仁和丞某
來請記余謂周官之法凶禮無力政杭城不幸罹
朱鬢氏兵燹之餘而力政是舉非所謂時屈而舉
羸者乎抑論之力政有緩急緩不得舉急不得廢
迎恩之館爲皇華使者之賓送以奉王制而尊天
使臣子之敬也朝覲貢賦送往而迎來又臣子之

忠也執忠與敬臣道在茲而可以一日廢乎宜不
得與時屈舉羸者律之也其費緡錢若干不書書
其廢興始末以爲記然公之爲政知所先後其興
弊於城郭殘破之餘者蓋不止是出風教者先聖
大成之宮砥礪死節者忠臣血食之廟及倉庫關
梁之要害固已陸續而舉予又當附春秋義筆削
焉以爲民力重云

白石仙留水磨頭綠楊風雨思悠悠葛翁來訪不相
值燕子無人自入樓

朱彭南宋古蹟攷姜石帚寓在水磨頭石帚名夔

字堯章號白石道人嘗館於水磨頭方氏 姜白石詩集臨安旅邸答蘇虞叟絕句垂楊風雨小樓寒宋玉秋詞不忍看萬里青山無處隱可憐投老客長安 陳起江湖小集葛天民清明訪白石不值花薺懸燈柳插簷老懷那得似餽甜畫船已載先生去燕子無人自入簾

吳家十葉霍山居柏老香微槐獨餘東壁儒林承舊蔭白頭三禮校遺書

王德溥養素園介壽詩存吳廷華詩云吾家十葉居霍山柏香一樹森小園清華水木借鄰苑友莊

池館容躋攀頻年睽隔此重過卻喜摩詰住輞川
到門鄰鐘正報午黃梅雨漲溪潺潺水明樓處影
遠樹千章夏木綠蔭繁楓梧叢桂抱秋意想見梅
雪凌春寒亭林勝賞喜如昨薰風一道披長筵先
生清德本高世山林鐘鼎隨其天浦珠崑玉寶作
樹義種仁穫情爲田駐年有道在養素樂全堂上
蓬瀛仙安得洽比舊里閑舒長化日時追歡年年
壽酒會真率扶醉唱徹池上篇

杭郡詩輯吳廷

華字中林號東壁仁和人康熙甲午舉人榜名蘭
芳官福建興化同知有東壁詩鈔嘗遊津門時查

氏方以風雅號召海內吾鄉厲樊榭汪槐堂陳授
衣對鷗諸名士皆在焉東壁刻燭聯吟咸共推服
其詩具見沾上題襟集中倅興化日以事望誤用
薦入三禮館分修既歸主崇文講席生平學醇論
高含咀諸經精洽貫穿所著有儀禮章句十七卷
於喪禮尤爲精審又著三禮疑義未經刊行府志
入儒林傳 筱歛齋稿柏香園盤槐吳雨蒼同作
柏香園中柏已無參天鴨腳餘十圍海棠一樹最
繁豔歲久蝕盡摧薪柴老槐閱世長於人臃腫似
處才不才枝柯屈曲僅盈丈千態萬狀呈怪奇參

髻被面鬼髮綠菌蠹縮頸龍胡垂鳥窠不到於其
頂蟻穴或食乎其皮電鞭雷斧不敢下雨淋日炙
徒爾爲是中空洞復何有生氣盤鬱不可思春來
凡卉鬧蜂蜨蹒跚朽質誰愛之但惜畫手畫不得
不爾破壁亦應飛君不見當年鬪酒連日夕婆娑
對爾非昔時可憐去索長安米又踏黃花逐隊馳
王家橋院試重新解額旋增廿二人鳳咮堂空鵠袍
散月圓光賸燭如銀

咸淳臨安志王家橋在本府試院前 成化杭州
府志宋貢院在錢塘門外王家橋試一郡之士謂